


## Прилог бр. 10

## ДИМЕНЗИЈЕ И ИЗГЛЕД ТАБЛЕ ЗА ОЗНАЧАВАЊЕ ВОЗИЛА АУТОШКОЛЕ



Na osnovu člana 252. tačka 13), a u vezi sa članom 177. stav (10) Zakona o osnovama sigurnosti prometa na cestama u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17, 89/17 i 9/18), ministar komunikacija i prometa Bosne i Hercegovine, u saradnji sa organima nadležnim za obrazovanje, donosi

**PRAVILNIK**  
**O IZMJENAMA I DOPUNAMA PRAVILNIKA O**  
**OSPOSOBLJAVANJU ZA VOZAČA MOTORNIH**  
**VOZILA**

Član 1.

U Pravilniku o osposobljavanju za vozača motornih vozila ("Službeni glasnik BiH", broj 46/12) u članu 3. stav (2) mijenja se i glasi:

"(2) Ukoliko je za osposobljavanje za stjecanje prava upravljanja motornim vozilom za pojedine kategorije/potkategorije utvrđene članom 184. Zakona potrebno prethodno posjedovati vozačku dozvolu određene kategorije/potkategorije, kandidat je dužan, prilikom podnošenja prijave za osposobljavanje za vozača motornog vozila, dostaviti na uvid važeću vozačku dozvolu i priložiti njenu fotokopiju."

Član 2.

U članu 5. iza stava (1) dodaje se stav (2) koji glasi:

"(2) Autoškola je dužna kandidatu koji nastavlja osposobljavanje u drugoj autoškoli izdati potvrdu o završenom dijelu Programa osposobljavanja za vozača i druge originalne dokumente potrebne za nastavak osposobljavanja. Autoškola činjenicu prekida osposobljavanja unosi u evidenciju o osposobljenim kandidatima."

Član 3.

U članu 6. iza stava (5) dodaje se stav (6) koji glasi:

"(6) Ako se u postupku kontrole rada autoškole utvrdi da kandidat za vozača nije prisustvovao bilo kojem dijelu osposobljavanja u predviđenom trajanju a izdata mu je potvrda o uspješno završenom osposobljavanju, nadležni organ kandidatu odbija prijem prijave za polaganje ispita."

Član 4.

Član 7. mijenja se i glasi:

"Član 7.

(Trajanje osposobljavanja iz poznavanja propisa o sigurnosti prometa na cestama"

- (1) Osposobljavanje iz poznavanja propisa o sigurnosti prometa na cestama za potkategorije A1 ili B1 traje 20 nastavnih časova.
- (2) Osposobljavanje iz poznavanja propisa o sigurnosti prometa na cestama za kategorije A ili B traje 28 nastavnih časova, a ukoliko kandidat ima vozačku dozvolu za upravljanje motornim vozilima potkategorija A1 ili B1 osposobljavanje traje deset nastavnih časova.
- (3) Osposobljavanje iz poznavanja propisa o sigurnosti prometa na cestama za potkategoriju C1 traje 32 nastavna časa, a ukoliko kandidat ima vozačku dozvolu za upravljanje motornim vozilima kategorija A, B ili BE osposobljavanje traje deset nastavnih časova.
- (4) Osposobljavanje iz poznavanja propisa o sigurnosti prometa na cestama za potkategoriju D1, ukoliko kandidat ima vozačku dozvolu za upravljanje motornim vozilima kategorija B ili BE, traje deset nastavnih časova, a ukoliko kandidat ima vozačku dozvolu za upravljanje motornim vozilima kategorija/potkategorija C1, C1E, C ili CE osposobljavanje traje šest nastavnih časova.

- (5) Osposobljavanje iz poznavanja propisa o sigurnosti prometa na cestama za kategoriju D, ukoliko kandidat ima vozačku dozvolu za upravljanje motornim vozilima kategorija B ili BE, traje 16 nastavnih časova, a ukoliko kandidat ima vozačku dozvolu za upravljanje motornim vozilima kategorija/potkategorija D1, D1E, C ili CE osposobljavanje traje šest nastavnih časova.
- (6) Osposobljavanje iz poznavanja propisa o sigurnosti prometa na cestama za traktor, radnu mašinu i motokultivator traje osam nastavnih časova.
- (7) Osposobljavanje iz poznavanja propisa o sigurnosti prometa na cestama za moped traje 12 nastavnih časova."

Član 5.

Iza člana 7. dodaje se novi član 7a). koji glasi:

"Član 7a).

(Odsustvo sa časova)

- (1) Kandidati za vozača motornih vozila koji se osposobljavaju iz poznavanja propisa o sigurnosti prometa na cestama za kategorije A, B i potkategorije C1 mogu iz opravdanih razloga odsustvovati najviše osam nastavnih časova.
- (2) Kandidati za vozača motornih vozila koji se osposobljavaju iz poznavanja propisa o sigurnosti prometa na cestama za potkategorije A1 i B1 mogu iz opravdanih razloga odsustvovati najviše četiri nastavna časa.
- (3) Kandidati koji se osposobljavaju iz poznavanja propisa o sigurnosti prometa na cestama za traktor, radnu mašinu i motokultivator te za moped mogu iz opravdanih razloga odsustvovati najviše dva nastavna časa.
- (4) Kandidati koji posjeduju neku od kategorija/potkategorija i u obavezi su pohađati dodatne časove iz poznavanja propisa o sigurnosti prometa na cestama mogu iz opravdanih razloga odsustvovati najviše dva nastavna časa."

Član 6.

U članu 9. stav (3) mijenja se i glasi:

"(3) Prije prvog nastavnog časa ili blok časa instruktor vožnje je dužan izvršiti pripremu nastavnog časa iz upravljanja motornim vozilom, a poslije svakog nastavnog časa ili blok časa instruktor vožnje je dužan koristiti pet minuta za evaluaciju izvedene obuke i vođenje propisanih evidencija i deset minuta za pripremu narednog nastavnog časa iz upravljanja motornim vozilom i odmor."

Član 7.

U članu 10. iza stava (2) dodaje se stav (3) koji glasi:

"(3) Vozilom kojim instruktor vožnje za vrijeme nastavnog časa iz upravljanja motornim vozilom prati kandidata za vozača vozila A kategorije i A1 potkategorije ne smije upravljati drugi kandidat za vozača."

Član 8.

Član 11. mijenja se i glasi:

"Član 11.

(Trajanje osposobljavanja iz upravljanja motornim vozilom)

- (1) Osposobljavanje iz upravljanja motornim vozilom za potkategorije A1 ili B1 traje 20 nastavnih časova.
- (2) Osposobljavanje iz upravljanja motornim vozilom za kategoriju A traje 25 nastavnih časova, ukoliko kandidat ima vozačku dozvolu potkategorije A1 osposobljavanje traje pet nastavnih časova, a ukoliko kandidat ima vozačku dozvolu kategorije B osposobljavanje traje 15 nastavnih časova.
- (3) Osposobljavanje iz upravljanja motornim vozilom za kategoriju B traje 35 nastavnih časova, a ukoliko kandidat

ima vozačku dozvolu kategorije/potkategorije A, A1 ili B1 osposobljavanje traje 25 nastavnih časova.

- (4) Osposobljavanje iz upravljanja motornim vozilom za potkategoriju C1, ukoliko kandidat ima vozačku dozvolu kategorije B, traje 12 nastavnih časova.
- (5) Osposobljavanje iz upravljanja motornim vozilom za kategoriju C, ukoliko kandidat ima vozačku dozvolu potkategorije C1, traje osam nastavnih časova.
- (6) Osposobljavanje iz upravljanja motornim vozilom za potkategoriju D1, ukoliko kandidat ima vozačku dozvolu kategorije B, traje 12 nastavnih časova.
- (7) Osposobljavanje iz upravljanja motornim vozilom za kategoriju D, ukoliko kandidat ima vozačku dozvolu kategorije B, traje 24 nastavna časa, ukoliko kandidat ima vozačku dozvolu kategorije C osposobljavanje traje 12 nastavnih časova, a ukoliko kandidat ima vozačku dozvolu potkategorije D1 osposobljavanje traje osam nastavnih časova.
- (8) Osposobljavanje iz upravljanja motornim vozilom za kategoriju/potkategoriju BE, C1E, CE, D1E i DE traje osam nastavnih časova."

Član 9.

U članu 12. stav (2) mijenja se Prilog broj 4. i čini dio ovog Pravilnika.

Član 10.

U članu 15. stav (3) mijenja se Prilog broj 6. i čini dio ovog Pravilnika.

Stav (4) mijenja se i glasi:

"(4) Predavač teoretske nastave je obavezan voditi pisane funkcionalne pripreme koje prate važeći Program osposobljavanja kandidata za vozača."

Iza stava (4) dodaju se st. (5) i (6) koji glase:

- "(5) Nastava iz poznavanja propisa o sigurnosti prometa na cestama organizira se u grupi do najviše 30 kandidata, zavisno od prostorno-tehničkih mogućnosti autoškole.
- (6) Oblik nastave iz poznavanja propisa o sigurnosti prometa na cestama može biti frontalni (predavačka nastava) i rad u grupama-parovima, a isti mora omogućiti aktivno učestvovanje svih kandidata za vozače u realizaciji nastave."

Član 11.

U članu 16. iza stava (1) dodaje se novi stav (2) koji glasi:

"(2) Instruktor vožnje ima pravo osposobljavati kandidate za vozače motornih vozila samo one ili onih kategorija i potkategorija za koje posjeduje važeću dozvolu instruktora vožnje"

Dosadašnji st. (2), (3), (4) i (5) postaju st. (3), (4), (5) i (6).

U dosadašnjem stavu (4) koji postaje stav (5) mijenja se Prilog broj 7. i čini dio ovog Pravilnika.

Član 12.

U članu 19. iza stava (2) dodaje se stav (3) koji glasi:

"(3) Uvjerenje o osposobljenosti kandidata iz poznavanja propisa o sigurnosti prometa na cestama izdaje autoškola koja posjeduje odobrenje za osposobljavanje kandidata iz poznavanja propisa o sigurnosti prometa na cestama i koja je obavila osposobljavanje kandidata iz poznavanja propisa o sigurnosti prometa na cestama."

Član 13.

U članu 20. stav (1) tačka a) poslije riječi: "sanitarni čvor u sastavu prostora" dodaju se riječi: "ili poslovnog objekta čiji je taj prostor dio".

U tački b) poslije riječi "pisanje" briše se zarez i dodaju se riječi: "veličine najmanje 1 m<sup>2</sup> ili bez mogućnosti okretanja veličine 2 m<sup>2</sup> ili više."

U tački f) riječi: "u stalnom radnom odnosu ili na drugi način u skladu sa Zakonom o radu" zamjenjuju se riječima: "u radnom odnosu zasnovanom u skladu sa važećim zakonodavstvom".

U stavu (3) riječi: "stalnom radnom odnosu" zamjenjuju se riječima: "u radnom odnosu zasnovanom u skladu sa važećim zakonodavstvom".

#### Član 14.

U članu 21. stav (1) tačka a) poslije riječi: "sanitarnim čvorom" dodaju se riječi: "u sastavu prostora ili poslovnog objekta čiji je taj prostor dio".

Tačka b) mijenja se i glasi:

"b) ima instruktora vožnje koji je u radnom odnosu zasnovanom u skladu sa važećim zakonodavstvom,".

Dosadašnji st. (2) i (3) mijenjaju se i glase:

"(2) Osposobljavanje kandidata iz upravljanja motornim vozilom obavlja autoškola koja u vlasništvu ili lizingu ima vozilo koje ispunjava uvjete propisane članom 26. i 27. ovog Pravilnika, a može, na osnovu ugovora o zakupu sa drugom autoškolom, organizacijom ili drugim licem, dodatno angažirati vozilo C, CE, D, DE kategorije ili C1, C1E, D1 ili D1E potkategorije, koja ispunjavaju uvjete propisane članom 26. ovog Pravilnika i imaju ugrađenu ili postavljenu opremu u skladu sa članom 27. ovog Pravilnika.

(3) Za svako vozilo angažirano na osnovu ugovora o zakupu u skladu sa stavom (2) ovog člana u vozilu, za vrijeme obuke, autoškola mora posjedovati važeću potvrdu o obavljenom redovnom i/ili preventivnom tehničkom pregledu."

Iza stava (3) dodaje se novi stav (4) koji glasi:

"(4) U odobrenju autoškoli za osposobljavanje kandidata iz upravljanja motornim vozilom navode se one kategorije i/ili potkategorije za koje autoškola ima ispunjene uvjete za osposobljavanje, u pogledu angažiranih instruktora vožnje i vozila."

#### Član 15.

U članu 25. stav (1) mijenja se i glasi:

"(1) Tabla za označavanje vozila autoškole je bijele boje, ima dimenzije 400 x 150 mm i na njoj je ispisan tekst "OBUKA" plavom bojom."

U stavu (3) mijenja se Prilog broj 10. i čini dio ovog Pravilnika.

Iza stava (3) dodaje se stav (4) koji glasi:

"(4) Na tabli za označavanje vozila autoškole iz stava (1) ovog člana, nosaču te table ili krovu vozila na kojem se nalazi tabla ne smije biti ništa dopisano, nalijepljeno, postavljeno ili nadograđeno."

#### Član 16.

U članu 26. stav (1) tačka f) alineja 1) riječ "osam" mijenja se riječju "šesnaest".

U tački f) alineja 2) riječi: "a širinu najmanje 2,4 m" se brišu.

U tački m) riječi: "i imaju širinu najmanje 2,4 m" se brišu.

#### Član 17.

U članu 27. iza stava (1) dodaju se novi st. (2), (3) i (4) koji glase:

"(2) Vozilo autoškole može biti opremljeno videokamerom.

(3) Autoškola, uz pisanu saglasnost kandidata, može koristiti videokameru u svrhu snimanja i analize obuke.

(4) Za prikazivanje sadržaja obuke trećim licima neophodna je izričita pisana saglasnost kandidata čija obuka se snima."

#### Član 18.

U članu 31. dodaje se stav (2) koji glasi:

"(2) Organi iz stava (1) ovog člana mogu donijeti odluku da organiziraju izdavanje i zaduživanje obrazaca iz stava (1) ovog člana elektronskim putem."

#### Član 19.

Član 33. mijenja se i glasi:

#### "Član 33.

(Započeto osposobljavanje)

Kandidati za vozače koji su osposobljavanje za vozača započeli prema odredbama Pravilnika o osposobljavanju za vozača motornih vozila ("Službeni glasnik BiH", broj 46/12) završit će osposobljavanje prema odredbama propisa koji je bio na snazi u vrijeme započinjanja osposobljavanja."

#### Član 20.

Iza člana 33. dodaje se novi član 33a) koji glasi:

#### "Član 33a.

(Prijelazne odredbe)

(1) Autoškole koje posjeduju odobrenje za osposobljavanje kandidata iz upravljanja motornim vozilom dužne su da označe vozila tablom iz člana 25. ovog Pravilnika, počevši od 1. februara 2019. godine."

(2) Obrasci priloga br. 4., 6. i 7. propisani članom 31. Pravilnika primjenjuju se do 31. decembra 2018. godine."

#### Član 21.

Ovaj Pravilnik stupa na snagu prvog dana od dana objavljivanja u "Službenom glasniku BiH".

Broj 01-02-2-477/18

07. februara 2018. godine  
Sarajevo

Ministar  
Mr. **Ismir Jusko**, s. r.

**Prilog br. 4**

Naziv autoškole: \_\_\_\_\_  
 Općina: \_\_\_\_\_  
 Broj: \_\_\_\_\_  
 Datum: \_\_\_\_\_

Serijski broj U 00000001

Instruktor vožnje: \_\_\_\_\_

Period trajanja osposobljavanja: \_\_\_\_\_

(datum od - datum do)

Broj prijeđenih kilometara \_\_\_\_\_

**POTVRDA**  
**o uspješno završenom osposobljavanju iz upravljanja**  
**motornim vozilom**

\_\_\_\_\_ kandidat/kinja za vozača motornog vozila kategorije/  
 (Ime i prezime)  
 potkategorije \_\_\_\_\_ rođen/a \_\_\_\_/\_\_\_\_/\_\_\_\_. godine, sa prebivalištem u \_\_\_\_\_, osposobljavao/la se u ovoj autoškoli u trajanju od \_\_\_\_\_ nastavnih časova i uspješno završio/la obuku iz upravljanja motornim vozilom.  
 Kandidat/kinja je prethodno položio/la ispit iz propisa o sigurnosti prometa na cestama, o čemu mu/joj je nadležni organ \_\_\_\_\_ izdao uvjerenje broj \_\_\_\_\_ od \_\_\_\_/\_\_\_\_/20\_\_\_\_. godine, i ispit iz pružanja prve pomoći, o čemu mu/joj je nadležni organ \_\_\_\_\_ izdao uvjerenje broj \_\_\_\_\_ od \_\_\_\_/\_\_\_\_/20\_\_\_\_. godine.

Ova potvrda se izdaje radi polaganja ispita iz upravljanja motornim vozilom.

M. P.

Potpis odgovornog lica  
 u autoškoli

.....

Naziv autoškole: \_\_\_\_\_  
 Općina: \_\_\_\_\_  
 Broj: \_\_\_\_\_  
 Datum: \_\_\_\_\_

Serijski broj U 00000001

Instruktor vožnje: \_\_\_\_\_

Period trajanja osposobljavanja: \_\_\_\_\_

(datum od - datum do)

Broj prijeđenih kilometara \_\_\_\_\_

**POTVRDA**  
**o uspješno završenom osposobljavanju iz upravljanja**  
**motornim vozilom**

\_\_\_\_\_ kandidat/kinja za vozača motornog vozila kategorije/  
 (Ime i prezime)  
 potkategorije \_\_\_\_\_ rođen/a \_\_\_\_/\_\_\_\_/\_\_\_\_. godine, sa prebivalištem u \_\_\_\_\_, osposobljavao/la se u ovoj autoškoli u trajanju od \_\_\_\_\_ nastavnih časova i uspješno završio/la obuku iz upravljanja motornim vozilom.  
 Kandidat/kinja je prethodno položio/la ispit iz propisa o sigurnosti prometa na cestama, o čemu mu/joj je nadležni organ \_\_\_\_\_ izdao uvjerenje broj \_\_\_\_\_ od \_\_\_\_/\_\_\_\_/20\_\_\_\_. godine, i ispit iz pružanja prve pomoći, o čemu mu/joj je nadležni organ \_\_\_\_\_ izdao uvjerenje broj \_\_\_\_\_ od \_\_\_\_/\_\_\_\_/20\_\_\_\_. godine.

Ova potvrda se izdaje radi polaganja ispita iz upravljanja motornim vozilom.

M. P.

Potpis odgovornog lica  
 u autoškoli

.....

**Prilog br. 6**

**DNEVNIK**  
**O IZVOĐENJU NASTAVE IZ PROPISA O SIGURNOSTI**  
**PROMETA NA CESTAMA**

---

(Oznake grupe-odjeljenja)

PREDMET

1. Propisi o sigurnosti prometa na cestama

Predavači teoretske  
nastave:

1. \_\_\_\_\_  
2. \_\_\_\_\_  
3. \_\_\_\_\_









## Prilog br. 10

## DIMENZIJE I IZGLED TABLE ZA OZNAČAVANJE VOZILA AUTOŠKOLE



Na temelju članka 252. točka 13), a u vezi s člankom 177. stavak (10) Zakona o osnovama sigurnosti prometa na cestama u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17, 89/17 i 9/18), ministar komunikacija i prometa Bosne i Hercegovine, u suradnji s tijelima nadležnim za obrazovanje, donosi

**PRAVILNIK  
O IZMJENAMA I DOPUNAMA PRAVILNIKA O  
OSPOBLJAVANJU ZA VOZAČA MOTORNIH  
VOZILA**

Članak 1.

U Pravilniku o osposobljavanju za vozača motornih vozila ("Službeni glasnik BiH", broj 46/12) u članku 3. stavak (2) mijenja se i glasi:

"(2) Ukoliko je za osposobljavanje za stjecanje prava upravljanja motornim vozilom za pojedine kategorije/potkategorije utvrđene člankom 184. Zakona potrebno prethodno posjedovati vozačku dozvolu određene kategorije/potkategorije, kandidat je dužan, prilikom podnošenja prijave za osposobljavanje za vozača motornog vozila, dostaviti na uvid vrijedeću vozačku dozvolu i priložiti njenu fotopresliku."

Članak 2.

U članku 5. iza stavka (1) dodaje se stavak (2) koji glasi:

"(2) Autoškola je dužna kandidatu koji nastavlja osposobljavanje u drugoj autoškoli izdati potvrdu o završenom dijelu Programa osposobljavanja za vozača i druge izvorne dokumente potrebne za nastavak osposobljavanja. Autoškola činjenicu prekida osposobljavanja unosi u evidenciju o osposobljenim kandidatima."

Članak 3.

U članku 6. iza stavka (5) dodaje se stavak (6) koji glasi:

"(6) Ako se u postupku kontrole rada autoškole utvrdi da kandidat za vozača nije prisustvovao bilo kojem dijelu osposobljavanja u predviđenom trajanju a izdana mu

je potvrda o uspješno završenom osposobljavanju, nadležno tijelo kandidatu odbija prijem prijave za polaganje ispita."

Članak 4.

Članak 7. mijenja se i glasi:

"Članak 7.

(Trajanje osposobljavanja iz poznavanja propisa o sigurnosti prometa na cestama"

- (1) Osposobljavanje iz poznavanja propisa o sigurnosti prometa na cestama za potkategorije A1 ili B1 traje 20 nastavnih sati.
- (2) Osposobljavanje iz poznavanja propisa o sigurnosti prometa na cestama za kategorije A ili B traje 28 nastavnih sati, a ukoliko kandidat ima vozačku dozvolu za upravljanje motornim vozilima potkategorija A1 ili B1 osposobljavanje traje deset nastavnih sati.
- (3) Osposobljavanje iz poznavanja propisa o sigurnosti prometa na cestama za potkategoriju C1 traje 32 nastavna sata, a ukoliko kandidat ima vozačku dozvolu za upravljanje motornim vozilima kategorija A, B ili BE osposobljavanje traje deset nastavnih sati.
- (4) Osposobljavanje iz poznavanja propisa o sigurnosti prometa na cestama za potkategoriju D1, ukoliko kandidat ima vozačku dozvolu za upravljanje motornim vozilima kategorija B ili BE, traje deset nastavnih sati, a ukoliko kandidat ima vozačku dozvolu za upravljanje motornim vozilima kategorija/potkategorija C1, C1E, C ili CE osposobljavanje traje šest nastavnih sati.
- (5) Osposobljavanje iz poznavanja propisa o sigurnosti prometa na cestama za kategoriju D, ukoliko kandidat ima vozačku dozvolu za upravljanje motornim vozilima kategorija B ili BE, traje 16 nastavnih sati, a ukoliko kandidat ima vozačku dozvolu za upravljanje motornim vozilima kategorija/potkategorija D1, D1E, C ili CE osposobljavanje traje šest nastavnih sati.
- (6) Osposobljavanje iz poznavanja propisa o sigurnosti prometa na cestama za traktor, radnu mašinu i motokultivator traje osam nastavnih sati.